

支那
撰述

仁王護國般若經疏上



C40

4514

(246)

C40-4614

丁翁聖座請大藏及有
家書置之武州紫雲山
我微笑塔院庫府中永
為學者不敢許出院內
雷山二世鑑十機謹誌



B 64853



仁王護國般若經疏序

朝請郎飛騎尉賜緋魚袋晁說之撰

陳隋間天台智者遠稟龍樹立一大教九傳而至荆
谿荆谿後又九傳而至新羅法融法融傳理應應傳
瑛純皆新羅人以故此教播於日本而海外盛矣屬
中原喪亂典籍蕩滅維此教是為不可亡者亦難乎
其存也然杲日將出而曉霞先昇真人應運而文明
自見我有宋之初此教乃漸航海入吳越今世所傳
三大部之類是也然尚有留而不至與夫至而非其
本真者仁王經既先至有二本衆咸斥其偽昔法智

既納日本信禪師所寄辟支佛髮答其所問二十義
乃求其所謂仁王經疏信卽授諸海舶無何中流大
風驚濤舶人念無以息龍鬣之怒遽投斯疏以慰安
之法智乃求強記者二僧詣信使讀誦以歸不幸二
僧歿于日本至元豐初海賈乃持今仁王疏三卷來
四明於是老僧如恂因緣得之其文顯而旨微言約
而意廣以秦譯爲本義勢似觀心論疏實章安所記
智者之說也恂道孤而寡偶學古而難知食貧而力
不足無以爲此經毫髮之重每指而嘆曰其來晚學
而艱如此寧封野馬而飽蠹魚不能下几案以視人
嗚呼此疏曾不得輩行於三大部中而匿光塵彩猶
若海外之遠歟恂今年七十有六歲乃一日抱之而
泣曰殆將與吾俱滅邪吾前日之志非也遇嵩山晁
說之曰曷不爲我序而流通之說之自顧何足以與
此亦嘗有言曰智者若生齊梁之前則達磨不復西
來矣盡法性爲止觀而源流釋迦之道囊橐達磨之
旨今方盛於越中異日會當周於天下豈獨是書之
不可掩哉顧予老不及見之爲恨始序其所自云爾
政和二年壬辰四月癸卯序

佛述
仁王護國般若波羅密經目
昔今丈惡欲滅中異日會當周然天下豈識長壽之
來矣盡去卦爲止購而滅派難吸之戲業染戲譽之
此亦掌言曰醫昔昔主齊衆之前眼致都不對西
端之曰骨不爲疾車而派戲去端之自賄向足以與
並曰飯雜與吾身滅喉吾順日之志非出戲嵩山泉
吾或心之戲煥師今辛十有六歲凡一日戲之而
觀和此觀曾不寄輩計然三天暗中而習武藝深難

仁王護國般若波羅密經目

- 序品第一
- 觀空品第二
- 菩薩教化品第三
- 二諦品第四
- 護國品第五
- 散花品第六
- 受持品第七
- 囑累品第八

合仁王經疏凡例

一經疏異帙者古制也以割裂聖經恐簡褻故然而
猶割裂者有二意一異帙者封閉藏中能探討者
有幾人今合爲一帙使窮陬僻壤皆得見故二異
帙者經疏不相聯屬非宿學未易尋繹今合爲一
帙使讀者繇科以入經繇經以入疏繇疏以會理
綱目整齊脉絡調暢雖蒙學之士亦可邇流問源
也是則功大而過小故合之


一疏中諸科或有標而無結或有結而無標者良以
歷年既遠刊寫者脫誤今據其所當有者前後互

相補之

一疏中或有疑誤及字畫亥豕者竊為訂正然必考諸經對諸記平準諸心衡以求歸於至當之域且又嘗請證諸老師宿衲益不敢妄有增損云

一古疏既未與經合其提經處但標某句下今既合經入疏列疏於經下其某句下數字悉刪去以免繁重之咎間有合若干子科於一段經文之內者則姑存之以便知其斷節益欲省列煩細諸科故一此疏科段雖已分明而科目未嘗提出且散在經文之下不便檢閱今依諸疏舊例以全科總列圖

仁王經疏科文分二



360 1 2 3 4 5 6 7 8 9 70 1 2 3 4 5 6 7 8 9 80 1 2 3 4 5 6 7 8 9

二正說分 卽中間
六品○

三流遍分 卽喘累
品○

一佛自現瑞五

一讚佛德

二現瑞時節

三正住十地

四入寂定

五思緣現瑞

二時衆生疑三

二他方衆

三化衆

一聲聞五

二緣覺

一人二

二士

三天二

四仁王

一色天

一聲聞衆二

二菩薩衆

三雜類衆二

一別四

二總

一明衆生疑

二申衆疑意

三問衆不決

覺悟如來

佛昇華座

五大衆歡喜

第二正說分四

一明內護 前三
品

二明外護 卽護
國品

三明報恩供養 卽散
花品

四明弘經相貌 卽受
持品

初明三般若三

初畧開二護

二問答廣釋二

先問

次答三

一明自利行 觀空
品

二明利他行 教化
品○

三明二護所依 二諦
品○

初標宗正釋二

二問答重釋二

二欲天

一清信男

二清信女

一正釋觀空二

二時衆得益

一正釋二

二總結

初正釋二

二結行

360 1 2 3 4 5 6 7 8 9 70 1 2 3 4 5 6 7 8 9 80 1 2 3 4 5 6 7 8 9

初實相般若二

二觀照般若二

先問

次答二

先畧

次廣二

先明觀照二

一照空二

二照有

一所化境

二能化智三

先問

次答二

禪正廣釋二

二明能觀之智雙照
空有二

一明照相

二明空齊

初約法

二解釋

三結成

一明真則無化

二明俗則有化

先明法空性空

二歷法明空二

先正明

後釋成空義二

次明得失二

初明邪觀

二明正觀二

三文字般若五

二依教發觀二

初明邪觀

二明正觀二

○二明利他行教化
品二

一發問

初就識陰

次例四陰

一明行

二明位

初約染淨因果以明空相二

二約無聽說以明空相

初明生歿空二

二明佛果空

一明多佛共說

二舉喻

三格量

四舉况

五明信解相

初正明生歿

二辨空所由

60 1 2 3 4 5 6 7 8 9 70 1 2 3 4 5 6 7 8 9 80 1 2 3 4 5 6 7 8 9

二佛答二

初答前二問三

次答第三問〇

初正答二問二

次月光偈讚〇

後如來述成〇

一正答前問並利他三

二正答後問並自利〇

初畧答

二廣答五

三總結

初畧

二廣後作依宗廣釋

初標

次釋十

初伏忍三

二信忍

三順忍

四無生忍

五寂滅忍文四

一十住

二十行

三十回向

初標名位

二辨除障

三約諦辨異

〇二答後問兼自利二

先問

四攝化分齊二

後結

後答二

二月光偈讚三

一時衆供養

二月光讚佛二

三大衆得益

一總頌上義三

初歎別相三寶

二歎五忍

先畧

後廣三

一明讚處

二正發言讚三

初頌伏忍方便二

先明離過

次明攝位

二頌伏忍功德二

一善覺地

二離達地

三發光地

四炎慧地

五難勝地

六現前地

七遠行地

八寺觀地

3
60
1
2
3
4
5
6
7
8
9
70
1
2
3
4
5
6
7
8
9
80
1
2
3
4
5
6
7
8
9

三歎一體三寶

二別歎十四忍五

初頌伏忍二

二頌信忍二

先頌三品三

後結歎

五頌順忍二

四頌無生忍三

五頌寂滅忍二

三結頌五忍三

第三如來述成二

初讚能說二

先正讚

後述讚

後讚所說三

初正讚三

初釋不可思議三

二釋不可度量

初別歎三品為三輪王

次總歎三品二

初列三十心

次正歎功德

一頌初地下品

二頌二地中品

三頌三地上品

初正頌三

後總結

九善慧地

十法雲地

初四地下品

次五地中品

後六地上品

初頌七地下忍二

次頌地事忍

後頌九地忍

初釋行相

二斷惑分齊

初頌十地下品

二頌妙覺上品

一歎淨土果

二歎法身果

三歎利益果

一畧說

次假徵二藏

後廣釋三

為三輪王

初就佛明不可思議

二合釋二藏明不可思議

後雙結三藏明不可思議

先釋二

後結

初人法相對明不思議

初明人空

60 1 2 3 4 5 6 7 8 9 70 1 2 3 4 5 6 7 8 9 80 1 2 3 4 5 6 7 8 9

三釋唯佛能知

二勸脩三

三大衆供養

○次答第三問即所化衆生之相三

初牒問

二正答二

三得益即時衆得益

先釋六

後結

初正歎勸脩

二徵

三廣釋

一畧

二廣二

一明所化如幻二

二明能化如幻

一正明法假二

二明九聖境差

二明法空

二境智相對明不覺惑二

初辨境空

後釋智空

一明本識生心色

二明色成境界

初成五陰

二明成十二處

一正答

一釋法假二

二明受假

三釋名假二

四明相續假

五釋相待假

六釋因生假

○第三明二護所依二諦品二

一問答三

一明二諦不二二

二明佛前無名

二明佛為立名

先問

次答三

先明二義

後明二義三

先問

次答二

二引證三

初立二諦

次釋義

三結成二義

三釋成二

初能所相對明一義

二境智相對明一義

三染淨相對明一義

初辨脩習

60 1 2 3 4 5 6 7 8 9 70 1 2 3 4 5 6 7 8 9 80 1 2 3 4 5 6 7 8 9

二明說法不二

三明法門不二

一明說空

二明脩空

二逐難重釋

三結脩成

先問

一畧答

歎教

次答三

二廣答

二舉名勸持

二勸持二

三結答

一護時

○第二明外護即護國品三

一誠聽勸持

二護國四

二護法五

二廣釋三

三護難

三護體

二時衆得益

一明難事

四顯所護

一廣釋護法三

二明能護難三

次明供養

二引古證今二

一請脩福

後明說時

先引天證護國

二聽許

初長行依教請護

次引人證護身二

三正明護難二

二說偈加護二

三結示勸持

一說偈四

初說無常理

○第三報恩供養即散托品三

二獲益

二說善理

一散花供養三

一行花

三說空理

一聞經勸持

二般若花

四說無我理

二散花供養三

三妙覺花

先舉劣

60 1 2 3 4 5 6 7 8 9 70 1 2 3 4 5 6 7 8 9 80 1 2 3 4 5 6 7 8 9

三諸王發願

二佛現神變二

三歎教勸脩

○第四示弘經相貌即受持品三

初問谷湏受持二

一月光請

二如來答三

一習種性法師五

二性種性法師

先現變

後得益

初總標

次別釋三

後總結

初標位

二辨修行差別二

三明時節

次況勝

一標位

二辨差

三行業

四顯劣勝二

五入位時節

初顯諦藉三

二顯諦同異

先標辛

二同向善薩已上三位三賢地五

第四法師即初地五

第五法師地二

第六法師地三

第七法師地四

第八法師地五

第九法師地六

第二付王受持四

一讚用勸持二

四明生淨土

五明登位

第十法師地七

第十一法師地八

第十二法師地九

第十三法師地十

次別釋三

先釋實智

次釋方便智

標位

二明證時分

三對位辨差五

四明入定

一伏斷差別

二信見異

一畧

二廣二

60 1 2 3 4 5 6 7 8 9 70 1 2 3 4 5 6 7 8 9 80 1 2 3 4 5 6 7 8 9

二讚名勸持二

三釋勸所由

四稱名付囑

第三時衆得益五

○第三流過分囑累品二

先付囑誠勅二

先畧付囑

二廣付囑誠勅二

初明付囑二

三漸頓差別

四常無常異

五無等無等異

初標除難福生

二問答分別

先讚名勝

後勸供養

初明滅法人

次辯滅法過

後結成過

初自毀

三起惡

先付時

二明付人法

二廣辯七誠七

二大衆奉持二

仁王經疏科文終九

二誠隨滅法過三

二誠壞四衆行

三誠禁不依法

先奉持

次奉行

三招報

四誠自毀三

五誠使役

六誠自咎

七誠謬信

佛說仁王護國般若波羅密經疏卷上

姚秦三藏法師鳩摩羅什譯

陳隋天台智者大師疏

閩建州後學沙門道霈合

大科分二一經前玄義二入文解釋今初

大師於諸經前例作五重玄義一釋名二辨體

三明宗四論用五判教此經以人法爲名實相

爲體自行曰人爲宗權實二智爲用大乘熟酥

爲教相

第一釋名所言名者有通有別經之一字通諸部

撰述 不二論異名總覽卷一
也佛說仁王護國般若波羅密者別也又佛說仁王護國別此部也般若波羅密通諸部也然諸經立名不同或单就法如涅槃經或单就人如阿彌陀經或单從譬如梵網經或人法兩題如淨名及此經或法喻雙舉如法華經或三具足如華嚴經所言佛者具德之義自覺非凡覺他異聖覺滿異菩薩八音宣暢名說此能說之人也仁王下各所說之法施恩布德故名爲仁統化自在故稱爲王仁王是能護國土是所護由仁王以道治國故也若望般若般若若能護仁王是所護以持般若故

仁王安隱若以王能傳法則王是能護般若之所護也又仁者忍也聞善不卽喜聞惡不卽怒能含忍於善惡故云忍也王者統也四方歸統故也此因緣釋約教則見諸法生知生是實見諸法滅滅則是空空則六塵等國不動不轉故三界結盡則王安隱此二乘所得名爲仁王三藏意也於凡聖同居土而得自在若觀諸法色卽是空不生不滅如幻如化三界煩惱一時頓斷在於界外化城之中生已度想生安隱想則是三乘之人共行十地能護方便有餘化城之國各得稱王此通教意若

觀諸法空卽是色色無邊故般若法亦復無邊
雖復無邊而與心不相妨碍如函大蓋大而無邊
之法在一心中一一法中具諸佛法從於初地乃
至妙覺分分圓滿在蓮花臺不動不轉能動能轉
卽十地菩薩在檀寺六各各爲王此別教意也若
觀諸法本來不生今則無滅雖無生滅生滅宛然
雙焰雙亡契乎中道廣大如法界究竟若虛空卽
從初任乃至佛地四十二心分分明證中道之理
在常寂光各得稱王此圓教意也又三藏中羅漢
支佛煩惱盡故得稱仁王菩薩及果向忍見思未

此云六
字誤應
是十字

盡但名王不名仁也通教佛地別教妙覺圓教極
果各是仁王當教自有優劣若非仁則是王也若
約本迹卽三教之仁王爲迹圓教之仁王爲本分
論本迹則圓教十行能爲別教之本通教佛地卽
是別教之迹三藏二乘復是通教中本展轉當教
各有本迹云云觀心者觀生滅法見色是有析之至
空心於色上而得自在此生滅觀心仁王也觀色
卽是空空色自在此無生觀心仁王也若觀空卽
是色次第而入中道正觀此無量觀心仁王也若
觀色空空色不二而二二而無二雙焰雙亡此是

實相一心三觀三觀一心如彼天目不縱不橫而得自在此圓教觀心仁王也我今聖王道化無方子育蒼生仁王普洽恒以三觀安隱色心迹尚回窮本誠難究矣般若者此云智慧卽智論四十二卷中釋也開善藏法師並用此說論第七十又有一解云般若不可稱般若甚深極重智慧輕薄是故不能稱莊嚴旻師以此文說般若名含衆義智慧唯是一門非正翻譯詳二師說各成諍兢今爲通之夫般若者自有二種一實二權權卽可翻實則不可實則圓教權則前三又權不可翻卽三藏

實色不可令色卽是空實卽可翻卽三智也通教一切智別教道種智圓教一切種智豈可各固一見以局大方火炎不可取實當有在也然智與慧經論解殊成實合釋云真慧名智卽慧是智也淨名經說知一切衆生心念如應說法起於智業不取不捨入一相門起於慧業者釋云智是有慧是空有智故不任空有慧故不任有今此般若具翻八部有人云天王一部卽仁王部攝此解不可若如大經中明人王亦天王斯則可也問人仁字別云何取同答大經云有仁恩故名之爲人老經云

能云有
云天王
卽仁王
部者今
所不取
若卽慧

960 1 2 3 4 5 6 7 8 9 70 1 2 3 4 5 6 7 8 9 80 1 2 3 4 5 6 7 8 9

聖人不仁以百姓為芻狗故知人王行仁不求思

者不應

已說仁

王而冉

有所請

故知非

此雖有

大發之

文一往

各同非

謂正言

二部

仁義云何谷以字論義理則易明上一表天德下一表地德立人表人德聖王道伴造化德合三才故云仁王也問古人云仁王經非正傳譯是事云何谷寡識小智深可憐憫豈有不見目錄即云非是正翻海庸不信山水似魚夏革亦云右初無物嗚呼盲目誚玻璃珠且準下經自有兩本一廣說如散花品云爾時十六大國王問佛所說十萬億偈般若波羅密散花供養二者畧本即今經文譯

者不同前後三本一者晉時永嘉年月支三藏曇摩羅察晉云法護翻出二卷名仁王般若若二是偽秦弘始三年鳩摩羅什於長安逍遙園別館翻二卷名佛說仁王護國般若波羅密三者梁時真諦大同年於豫章實因寺翻出一卷名仁王般若經疏有六卷雖有三本秦為周悉依費長房入藏目錄云耳波羅密者此云事究竟亦云到彼岸生歎為此涅槃為彼煩惱為中流六度為船筏此因緣釋也三藏實有為此實有滅為彼見思為中流八正為船通教以色為此即空為彼見思為中流六

三譯後
唐不空
三藏又
翻二卷
名義與
秦同而
文較順
且又加
呪語今
在處誤
翻者是

者不同前後三本一者晉時永嘉年月支三藏曇摩羅察晉云法護翻出二卷名仁王般若若二是偽秦弘始三年鳩摩羅什於長安逍遙園別館翻二卷名佛說仁王護國般若波羅密三者梁時真諦大同年於豫章實因寺翻出一卷名仁王般若經疏有六卷雖有三本秦為周悉依費長房入藏目錄云耳波羅密者此云事究竟亦云到彼岸生歎為此涅槃為彼煩惱為中流六度為船筏此因緣釋也三藏實有為此實有滅為彼見思為中流八正為船通教以色為此即空為彼見思為中流六

王文册
三藏經卷之三

度爲船別教以色空爲此空卽是色爲彼無明爲
中流無量行爲船圓教以色空空色不二而二爲
此二而無二爲彼無明爲中流一行無量行無量
行一行爲船隨前諸教而度云到彼岸此約教釋
也空觀觀色卽空及色滅空雖有巧拙同斷見思
而論彼此假觀觀二假得理論彼此中觀十信已
前十住已後論彼此此觀心釋也經有翻無翻各
具五義廣如法華玄云約教六塵俱經經云或以
光明而作佛事卽色塵爲經或以音聲而作佛事
卽聲爲經或以飯香而作佛事卽香塵經食飯人

津卽味塵經搖唇動舌卽觸塵經寂然無聲諸善
薩非得入三昧卽法塵經一一塵根各有約教本
迹觀心釋也又以文字爲經心行爲緯能成正
覺之疋帛故取世經以喻焉

第二辨體有人云文義爲體此通說也有云無相
爲體者四教皆有無相無相永漫亦通說也有云
以五忍十地爲體如下經云五忍是菩薩法具列
五忍竟結云各爲諸佛菩薩脩般若波羅密故知
因脩般若證五忍一切佛菩薩無不由五忍而成
聖故以五忍十地爲體今則不然先釋體字體者

法也各親其親各子其子君臣樽節若無體者則
非法也出世間法亦復如是善惡凡聖菩薩佛一
切不出法性正指實相爲體普賢觀云大乘因者
諸法實相大乘果者亦諸法實相實相卽法性依
此法性因得法性果故知此經以實相爲體若別
論之般若二種一共二乘人說二者不共準此實
相亦有二種一共二不共共者但見於空不見不
空不斷無明但除見思此偏真實相不共者各中
道實相別教地前次第脩禱地方証圓教一心從
初住乃至佛果皆名圓證若論權實卽共者是化

別入通
圓入通
亦卽別
接通圓
意謂接
入也

他之權不共者是自行之實云約教卽般若若是通
唯無三藏有三乘共行十地有別入通有圓入通
通正二旁卽通別是權圓教是實此經雖具三教
正以圓實相爲體也
第三明宗宗者要也所謂佛自行因果以爲宗也
有以無生正觀爲宗離有無二邊假云中道故下
文云般若無知無見不行不受不生不滅此通教
意但得於權而失於實今以佛自行因果以爲宗
要令諸聞者欣樂增脩一色一香無非般若若
真智離有離無雖離有無有無宛然離復宛然只

自無相故以無相因果以爲宗也問宗與體何異
答宗如綱表體如毛目振表毛舉動綱目起宗體
之義若此又如釵釧金銀是體匠者造之是宗今
實相之理是體脩因得果爲宗也云云
第四辨用用者力用也有人云此經以內外二護
爲用內護者下文云爲諸善薩說護佛果因緣護
十地行因緣言外護者下文云吾今爲汝說護國
因緣令國土獲安七難不起災害不生萬民安樂
各外護也此但得一俗一真真又不定通別圓皆
有十地爲護何者十地故不可全依今以諸佛二

智爲力用以諸如來皆以實智自昭權智昭他然
此經有三種權實通別雖有實智亦名爲權圓教
雖復有權亦總稱實以圓教是佛自行二智昭理
卽鑿機鑿機卽昭理如薩婆悉達嚩祖王弓涌名
爲力穿七鐵鼓貫一鐵圍山洞地徹水名爲用通
別力用微弱如凡人弓箭何者以通稟化他二智
或昔昭理不遍或次第方知不若圓教圓昭圓證
故以圓中二智爲用也卽權智護同居有餘實報
寺國令七難不起實智護圓教四十二心之因果
經云護十地行因緣此通約三教所行十地也云云

第五明教相弘宣正法湏識教之偏圓廣如法華
玄義今畧明之教者聖人被下之言也相者分別
同異也此經部屬般若教通衍門是熟酥味經說
護佛果及護十地行因緣又王問摩訶衍云何炤
故知非三藏教明矣雖有八偈談無常生滅等事
乃舉徃昔百法師用小乘說世間不堅以勸普明
捨國卽屬助道非今經正說也經前玄義竟

次入文解釋 夫震旦講說不同或有分文或
不分者只如大論釋大品不分科段天親涅槃
卽有分文道安別置序正流通劉虬但隨文解

釋此亦人情蘭菊好樂不同意在達玄非存涉
事今且依分文者序彰聖人說法必有由漸名
序分正顯利益當時名正說分末世衆生同需
法利名流通分此經八品序品爲序分觀空下
六品爲正說分囑累品爲流通分若望經文受
持品末佛告月光下卽是流通分

云今初

佛說仁王護國般若波羅密經序品第一

佛說仁王護國般若波羅密經卽一部之通稱序
品第一卽部內之別名也序者由也次也品者梵
云跋瞿此云品謂品類也義類相從卽爲一品第

撰述 在 三論攝義經卷五 九
者欲令不亂一者義乃在初文分二

一者證信二者發起亦名通序別序亦名如來序阿難序亦名經前序經後序六事證經名證信序起發正宗名發起序諸經通有名通序此經獨有名別序金口所說名如來序阿難證信名阿難序佛在時有名經前序集者所置名經後序今且依初從如是下至僉然而坐名證信序爾時十號下是發起序證信序者大智論云佛於俱夷那竭國薩羅雙樹林中北首卧將入涅槃爾時阿難親愛未除心沒憂海阿泥盧豆

語阿難言汝守法藏人不應如凡有沒憂海佛將付汝法汝今愁悶失所受事汝當問佛佛般涅槃後我共云何行道誰當作師惡口車匿云何共住佛說經初置何共語阿難聞已悶心小醒於佛後卧床邊具以事問佛依四念處住解脫經戒卽是大師車匿比丘如梵天法治之若心須改教迦旃延經卽可得道是我三僧祇所集法寶是初應置如是我聞一時佛在某方某國某處樹林中是我法門中初應如是說何者三世佛經皆有是語云云復次摩訶迦葉請問

阿難佛初何處說法說何佛法阿難答如是我
聞一時佛在波羅奈國仙人鹿林爲五比丘說
苦聖諦爾時大衆聞者皆信具如智論第二
爲是事故有證信序云云文爲六一如是舉所聞
之法體二我聞明能持之阿難三一時明聞持
和合感應道交四佛明說教之主五任王舍城
下明說教之處六與大比丘衆下明同聞之衆
今初

如是

如是者三世佛經皆安如是諸佛道同不與世諍

此世界悉檀大論云舉時方令人信事此爲人
悉檀破外道阿漚二字此對治悉檀肇云如是者
信順之辭也信則所聞之理會順則師資之道成
理會卽第一義悉檀此四皆是因緣釋云云約教者
佛明俗諦有文字真諦無文字阿難傳佛俗文不
異名如因此俗文會真無非故名是此藏教經初
如是也佛明卽色是空空卽是色色空空色無二
無別空色不異爲如卽事而真爲是此通教經初
如是也佛說眾生是有涅槃是無從眾生有入涅槃
無出涅槃無入於中道阿難傳之與佛無異此

別教經初如是也佛說生處卽涅槃卽中道徧一切處無非佛法名如實相阿難傳此與佛無異爲如如如不動名之爲是此圓教經初如是也此經具三教三諦如是之義阿難傳之無錯無謬也

二明能持之阿難

我聞

我聞者大論云耳根不壞聲在可聞處作心欲聞衆緣和合故言我聞我總耳別舉總攝別世界釋也阿難昇座口稱我聞大衆悲泣飛空說偈此爲人也阿難昇座衆疑釋迦重起或阿難成佛或他

方佛來若唱我聞三疑卽遣此對治釋也阿難隨俗稱我聞第一義中我卽無我聞卽無聞不聞而聞不我而我此第一義釋也約教者釋論云凡夫三種謂見慢名字學人二種無學一種阿難是學人無邪我能伏慢我隨世各名稱我此三藏意也十住毗婆沙云四句稱我皆隨邪見佛正法中無我誰聞此通教意也大經云阿難多聞士自然能解了是我及無我知我無我二而不二雙分別我無我此別教意也若阿難知我無我不二而二二而無二方便爲侍者傳佛智慧此圓教釋也正法

念經有三阿難一阿難隨此云歡喜持小乘藏二
阿難跋陁此云歡喜賢持雜藏三阿難娑伽此云
歡喜海持佛藏阿含有典藏阿難持菩薩藏蓋指
一人而具四德傳持四教其義分明觀心者有空
觀假觀中道正觀卽空者我卽無我也卽假者無
我卽我也卽中者是真我也聞者阿難佛得道夜
生侍佛二十餘年未侍佛時應是不聞大論云阿
難展轉聞非是悉聞報恩經阿難乞四願未聞之
法願佛重說胎藏經云佛從金棺出金色臂重爲
阿難現入胎出胎相諸經因此皆得稱聞法華云

阿難得記卽時憶念過去佛法令如現在前故一
切稱聞因緣釋也若歡喜阿難面如淨滿月眼若
青蓮花親承佛旨如仰完器盛水瀉之異餅一句
無遺此持聞聞法也歡喜賢任學地得空無相願
六根不漏持聞不聞法也典藏阿難多所含受如
雲持雨此持不聞聞法也阿難海是多聞士自然
能了常與無常若若知如來常不說法是各多聞
佛法大海流入阿難心此持不聞不聞法也此
經具三教卽阿難一人以三德傳持也云云
三明聞持和合感應道交

試云迦
羅詮時
是實使
內弟子
候時食
護明相
寺三摩
耶詮時
是假爲
破外道
計時爲
常文云
維四教
中有下
中上上
上之別

而證入
之妙不
改云一
時

一時

一時者肇云法王啓運之日大衆嘉會之時此世
界釋時也大論云迦羅是實時示內弟子時食時
着衣時者爲人說時也三摩耶是假使除外道邪
見者對治釋時也第一義中無時無不時廣明時
義具如智論第一卷云約教則見諦已上無學已
下各下一時若三人同入第一義各中一時登地
已上各上一時初住已上各上上一時今經初說
卽是通一時約別圓接入則具三時云云

四明說教之主

佛

教王者佛也佛名爲覺覺諸煩惱身心二病因果
圓滿方能破縛劫初無病劫盡多病長壽時樂短
壽時若東天下富而壽西天下多牛羊比天下無
我無人如此之處不能感佛八萬歲時南天下未
見果而脩因乃至百歲時亦如是故佛出其地此
世界釋也日若不出池中未生已生葎花皆未現
日出皆生佛若不出天人減少惡道增長佛若出
世則有刹帝婆羅門居士四天王乃至有頂此爲
人釋也三乘根性感佛出世餘不能感若斷有頂

種永度生死流此對治釋也佛於法性無動無出
能令衆生感見動出而於如來實無動出此第一
義說佛名覺者覺世間苦集覺出世道滅身長丈
六壽年八十現比丘像三十四心樹下成佛者三
藏盡尊自覺覺他也帶丈六像現尊特身樹下一
念相應斷餘殘習卽通佛自覺覺他也現尊特身
坐蓮花臺受佛記者別佛自覺覺他隱前三相唯
示不可思議如虛空相卽圓教佛自覺覺他故像
法決疑經云或見丈六之身或見小身大身或見
坐蓮花臺爲百千釋迦說心地法門或見身同虛

空迹於法界無有分別卽四佛義也本迹釋者三
佛爲迹一佛爲本云云觀心釋者觀因緣所生法析
之至無此三藏拙覺觀因緣卽空此通教巧覺皆
覺空也若先觀空次假後中此別教假覺也若觀
諸法卽空卽假卽中是圓覺也

五明說教之處

任王舍城者闍崛山中

先釋任次釋王城後釋山佛具三身住處有八應
身四任一壽命住謂五分法身寺二依止住謂王
城耆山寺三境界住謂三千境界四威儀住謂行

立坐卧報身三任一者天任任六欲天二者梵任
任四禪天三者聖任任空無相無願法身一任任
第一義空云云約教者藏佛從折門發真知無漏任
有餘無餘二涅槃通佛從體門發真任二涅槃別
佛從次第門任秘密藏圓佛從不次第門任秘密
藏二釋戒具存梵音應云羅闍祇摩訶伽羅羅闍
祇此云王舍摩訶此云大伽羅此云城國名摩伽
陀此云不害人無亂殺法也亦云摩竭提此云天
羅天羅者卽班足之父昔久遠時此至千小國時
王遊獵值狩獅子共王交通後月滿來王殿上生

子王審知是子而作告令言我無子天賜我子養
之長大足上班駁時人號爲班足後紹王位喜多
食肉一時遽闕仍取城西新成小兒以供王膳王
大美之勅常準此厨人自後日殺一人毒流天下
舉國咸怨千小國王舉兵伐之擯在五山羅刹翼
輔而爲鬼王因與山神誓殺千王方滿我願卽以
神力捉得諸王唯普明王後方捕至欲行屠害以
祭山神時普明王悲啼泣恨而作是言生來實語
而今乖信班足問言汝求何信普明答曰許行大
施班足語言放汝行施事畢就我普明歡喜遠歸

本國作大施會委政太子心安形悅匍匐就終班
足問曰死門難何汝旣得去何更自來時普明王
廣與班足說慈悲心毀些煞害仍示一切悉是無
常班足聞信得空平寺住於初地普集千王各取
一涕血髮三條賽山神願尋與千王都五山中築
城立舍鬱爲大國迭更知政千王住故故稱王舍
又城中百姓七遍起舍七遍被燒唯王舍獨免太
子命言自今以後雖百姓家悉稱王舍應免火難
率土遂命便得免燒故百姓家盡稱王舍云云又亦
云王赦因普明王放千王故稱王赦又此城四天

王共造故稱王舍又摩伽陀王生一子一頭兩面
四手以爲不祥裂其身首欲棄草野有羅刹女鬼
名曰梨羅還合其身以乳養之年長成人力蓋諸
國取八萬四千王置五山內立城治化以多王住
故稱王舍云云又摩伽陀者名持甘露處有十二城
一區祇尼大城二富樓那跋檀大城三阿監車多
羅大城四弗羅婆大城五王舍大城六舍婆提大
城七婆羅奈大城八迦毗羅大城九瞻婆城十婆
翅多城十一拘賤彌城十二鳩樓城此十二城中
後六少住前六多住又前六城中多住王舍城報

法身恩故少住舍婆提城報生身恩故也舍者王
舍城中有六精舍一竹園精舍在平地迎蘭陀長
者之所造去城西北三十里二小力獨山精舍三
七葉穴山精舍四天主穴山精舍五毗神穴山精
舍六耆闍崛山精舍耆闍崛山此翻靈鷲釋迦菩
薩昔爲鷲鳥於此山中養育父母由此得名故云
靈鷲又王舍城南有尿陀林鷲鳥居之多食死人
人欲死者鷲翔其家悲鳴作聲人以預知知人死
故稱靈鷲又山有五峯東方象頭南方馬頭西方
羊頭北方獅子頭中央鷲頭亦得名爲鷲山也問

佛何故偏於王城中向鷲山說法耶答依法華論
云如王舍城勝於餘城耆闍崛山勝於餘山以佛
在勝處故顯此法門勝也今此般若是最勝法故
偏就王城耆山說也中者表說中道般若也

第六明同聞之衆 諸經列衆不出四種一者
影響謂諸佛菩薩大果已圓爲令正法久住世
間故來影響二結緣衆見在雖聞而不獲益但
作當來得道因緣也三發起衆法身菩薩更相
發起請如來說共益衆生也四當機衆植因曠
右果遂今生聞法之時卽能悟入也比丘比丘

尼優婆塞優婆夷等各有四義推之可解文爲
 二初列衆二總結初文三此一此土衆二他方衆
 三化衆初文三一一聲聞衆二菩薩衆三雜類衆
 二乘着空故初列凡夫着有故後列菩薩常行
 中道故中列又聲聞心形兩勝故初菩薩心勝
 形劣故中凡夫心形俱劣故後初文二先聲聞
 次緣覺初文五一通號二列數三行位四歎德
 五總結今初
 與大比丘衆
 與者言共釋論云一時一處一戒一心一見一道

記云分
 字之擇
 外非梵
 語未詳
 初自置
 之可也

一解脫也大者亦云多亦云勝皆阿羅漢故稱大
 數至八百萬億故言多勝諸異道故言勝比丘五
 義一名乞士清淨自活離四邪命二破煩惱見愛
 滅故三者名號如梵漢異相各有名號四者受具
 足戒故名比丘五者比之名能丘之名怖能怖煩
 惱賊故名比丘四人已上名之爲衆
云云
 二列數
 八百萬億
 三行位
 學無學皆阿羅漢

既云有學無學云何皆云阿羅漢依成論云羅漢
二種一任二行當知行者是學人任者是無學人
故經云五戒賢者皆行阿羅漢卽是學人又於此
中一文先明德行卽學無學以此人學於無學之
行非是向義入人之中四向三果名學無學第八
羅漢但名無學阿羅漢者翻三義一者不生無明
糠脫後世田中更不受生故言不生二者殺賊九
十八使煩惱盡故名爲殺賊三者應供智願具足
堪銷物供此藏通意也若就圓釋非但不生亦不
生不生無漏是不生也非但殺賊亦殺不賊不賊

者涅槃是也非但應供亦是供應一切衆生是供

應也

云云

四嘆德

有爲功德無爲功德無學十智有學八智有學六智
三根十六心行法假虛實觀受假虛實觀名假虛實
觀三空觀門四諦十二緣

文有八科法門亦可歎三人初四科歎通教人次
三假歎別教人三空下歎圓教人又初四科歎通
法假寺下共歎別圓也初卽爲四今初歎有爲無
爲功德有爲舉智德無爲約斷德若就境論道諦

撰述
百三箇品卷之十一
十
是有爲滅諦是無爲施物名功歸已曰德故名功
德無學十智下次歎智差別言十智者一法智卽
欲界繫法中無漏智欲界繫因中無漏智欲界繫
法滅中無漏智爲斷欲界繫法道中無漏智及法
智品中無漏智是也二比智於上二界道中無漏
稱智中約四諦辨四種無漏智如上述法智中明但
有法比之殊也三他心智知欲色二界繫現心心
數法及無漏心心數法少分名他心智也四世智
知諸世間有漏智慧也亦名寺智凡聖同有故五
苦智觀五陰無常苦空無我也六集智有漏法因

因集生緣觀時無漏智七滅智盡滅妙出觀時無
漏智八道智道正跡乘觀時無漏智九盡智見苦
已斷集已證滅已脩道已寺智論云我見苦已斷
集已盡證已脩道已也十無生智見苦已不復更
見苦也諸經或云十一智智度爲如實智知一切
法總相別相如實正知無有罣碍是爲如實此獨
在佛心中有二乘無分故但云十智也有學八智
者是別舍人在脩道位中無盡無生智故但有八
也有學六智者謂見道中但有四諦及法比寺六
智也三根者次歎三根德若脩行次第應先辨三

根後辨十智今先說果後明因也一未知欲知根無漏九根和合信法二行人於見道中名未知欲知根九根者謂信等五及喜樂捨意等是也二知根信解見得人思惟道中是九根轉名知根如前說三知已根若至無學道中是九根轉名知已根云十六心行者次歎十六觀門從心之所行故名心行非心卽行也依脩行次應在十智前明亦先說果也又只離四諦爲十六行行以往趣爲義脩此十六觀法能趣四實之理故名行也若下四行一無常二苦三空四無我集下四行一集二因三

緣四生滅下四行一盡二滅三妙四出道下四行一道二正三跡四乘又法忍等十六行也此約通說若地前四十位爲四十地爲十拜覺妙覺爲十六此約別說云

法假虛實觀下次歎三假觀門法假者色陰法是也受假者四陰是也取此二名是名名假自實無體藉他方有是名爲假又色陰是法受等是名一切世間中但有名與色而今有三別說也云言虛實者一虛二實相形得稱陰法是虛凡夫謂實智欲了知求不可得只實而虛名爲虛實此通意也

若說別義者三假之中各有三觀法假卽虛是空
觀空卽假實一色一香無非假若是假觀觀之一
字是中觀以空假是方便道故不立觀名得入中
道方獨稱觀受及名等類此可解若圓說者三法
卽空卽假卽中雙照雙亡是也云智度論云諸法
非實凡夫虛假憶想分別妄謂有人如狗臨井自
此其影水中無狗但有相影而生惡心投井而歎
衆生亦爾四大和合名之爲身因緣生義動作語
言凡夫於中妄起人相此法假也生愛恚起愚樂
墮三惡道此受假也又一切法但從名字和合更

無餘名如頭足腹脊和合故假名爲身如髮眼耳
鼻口皮骨和合故假名爲頭諸毛和合假名爲髮
分分合故假名爲毛諸泥塵和合故假名爲分亦
和合諸分故名爲塵此卽名假也以此假故一切
法空三空等者次歎三昧德以三假因緣故得三
空名此因果次第說也以法假故空受假故無相
名假故無作故大論云因三十七品趣涅槃門涅槃
樂門有三謂空無相無作等言空門者觀諸法無
我我所諸法從因緣和合而有無有作者無有受
者是名空門無相門者觀身雖空而有相在人着

此相故脩無相如說俯仰屈伸位立去來觀瞻言
語於中無實風依識故有所作者是識滅相念
無故此男女有我心無智慧故妄見有骨鏤相連
皮肉相覆機關動作如木人此無相門也無作門
者無相亦無是名無作此三定諸禪中若無不名
三昧以退失故墮生處中如說能持淨戒名比丘
能觀空名行空人一心常勤精進者是名真實行
道人此三能到涅槃得三解脫門云四諦十二因
緣者次歎諦緣此二有同有別同是覺聞斷見思
故名同利鈍有殊廣畧數異故名別四諦鈍根者

觀大經有四種四諦生滅藏教今所不說此經具
三教有三種四諦所謂無生無量無作等也苦等
四法審實不虛名之爲諦若苦集是有漏滅道是
無漏此三藏也若四俱無漏是通也若四俱亦有
漏亦無漏是別也若四俱非漏非無漏是圓也十
二因緣利鈍者觀如大經中亦有四種於四種中
各各有三別一者三世十二因緣二者二世三者
一世廣如餘說云云

五總結

無量功德皆成就

可知

二列緣覺衆

復有八百萬億大仙緣覺非斷非常四諦十二緣皆成苑

文四一唱數二標位三歎德四結成初文可知大仙緣覺者二標位也有三差別一者獨覺如昔有國王入園遊觀清旦見樹林花果甚可愛樂時王食已卽便偃卧王諸姝女皆兢採摘毀壞林樹時王覺已卽悟一切諸法無常若是以外况內成大仙緣覺二者因緣覺出於佛世聞十二因緣斷見

思惑三者小辟支佛是須陀洹人在人間生是時無佛佛法已滅人中七生天上亦爾不受八生自悟成道卽成小辟支佛也非斷非常者三歎德也過去二因牽識非斷識非滅故二因不生故非常又三世相續故非斷無自性故非常又順則生歟無際故非斷逆則無明熾竭故非常四諦十二緣下四結成也問前列聲聞亦云諦緣今歎支佛更復重明後列菩薩仍云羅漢者何耶答於一境上取悟自差三獸度河三鳥出網河同獸異網一鳥殊故大經云下智觀故聲聞菩提中智觀故

緣覺菩提上智觀故菩薩菩提上上智觀故諸佛
菩提良以理一見殊所以諦緣互說云云問緣覺出
無佛世今云何列爲同聞衆答緣覺佛在世亦有
只在聲聞中攝言出無佛世者此對聲聞非謂佛
世總無緣覺也

第二列菩薩衆

復有九百萬億菩薩摩訶薩皆阿羅漢實智功德方
便智功德行獨大乘四眼五通三達十力四無量心
四辨四攝金剛滅定一切功德皆成就

文五一數二號三位四德五結初文可知菩薩摩

訶薩者二標號也菩薩此云道心衆生摩訶薩此
云大道心亦云大士亦云開士若以生滅心行六
波羅密三祇成佛此三藏教中菩薩心勝聲聞道
畢羅漢若以無生心斷見思惑留餘習扶願受生
十地行圓當知如佛此通教中菩薩也若以無量
心行無量行淨佛國土成就衆生大慈不窮大悲
無限華臺摩頂成功德身此別教中菩薩也若以
無作心觀煩惱菩提生歟涅槃無二無別非成不
成此圓教中菩薩也今此所列正列通教密兼別
圓云云皆阿羅漢者三明位也若三藏中佛卽是羅

漢故本行云爾時世間有六羅漢五是陳如等五人一卽是佛也若通教中三乘共行十地七地菩薩卽阿羅漢若別教中十向菩薩斷三界惑盡齊阿羅漢若圓教中十信菩薩斷三界惑盡亦齊羅漢今皆阿羅漢者卽通教菩薩小品云阿羅漢若智若斷是菩薩無生法忍大集亦云大法菩薩名阿羅漢問若皆阿羅漢前已辨竟今何更明答以菩薩形無定準或同凡像或同二乘若不別明恐於實混濫庶幾貴小乘者知大士意齊羅漢取名相者悟知菩薩道越凡夫故更別也實智功德

下四歎德中先歎智德實智則照空方便智始有實智故不住生歿有方便故不住涅槃向者明位雖云羅漢今此歎德卽異二乘故別說也通教菩薩七地中具實智八地已上具方便智云行獨大乘者次歎乘二乘無分故名獨大此歎別教菩薩也四眼者次歎眼菩薩行旣未圓義當無佛眼也通教當知如佛義推之眼亦如佛圓教十信雖是肉眼名爲佛眼今云四眼者卽別教地前菩薩也五通者次歎通具天眼等五除漏盡通教未斷無明別教斷猶未盡故但云五也云三達者次

明過去宿命明現在天眼明未來漏盡明明即達也十力者次歎力智論云菩薩十力一發心堅固力二大慈力三大悲力四精進力五禪定力六智慧力七身不厭生歎力八無生法忍力九解脫力十無碍力也四無量心者次歎心慈能與樂悲能拔苦喜與衆生增上之樂如上三心捨之不着云云四辨者次歎辯法辭樂說義等是也四攝次歎攝布施愛語利行同事等也金剛滅定者次歎斷十地上忍定如金剛碎煩惱山自不傾動亦名首楞嚴定云云一切功德下五總結也

第三列雜類衆

以其中名色非一故言雜類

二一別二總別中四一人二士三天四仁王人
更二一男二女今初

復有千萬億五戒賢者皆行阿羅漢十地廻向五分
法身具足無量功德皆成就

文四一數二名三德四結初標數可知五戒賢者
次列名也五者是數義戒者防止義梵云優婆塞
此云清信男於佛法中生淨信心故又云近事男
以依三寶親近師長承事無失故離殺盜淫此三
防身業妄語一戒防口業飲酒一戒通防二業廣

仁王一
行藏本
一
賢字後
別列中
又標人
衆二字
其經及
棟後文
乃作仁
王義安
文順因
攝正之

五者天下之大數及五星五臟陰陽五行皆此方語佛智固無不知但未見如此雷同者迭再考

廣述
仁王經附考經略卷一

釋戒相如大論尸波羅密說云提謂波利寺間佛何不為我說四六戒佛者五者天下之大數在天卽五星在地卽五嶽在人為五臟在陰陽為五行在王為五帝在世為五德在色為五色在法為五戒以不殺配東方東方是木木主於仁仁以養生為義不盜配北方北方是水水主於智智者不盜為義不邪淫配西方西方是金金主於義有義者不邪淫不飲酒配南方南方是火火主於禮禮防於失也以不妄語配中央中央是土土主於信妄語之人乖角兩頭不契中正中正以不偏乖為義

也道將隣聖曰賢假各行人位也皆行阿羅漢下三歎德也雖迹同凡夫而本皆羅漢十地者有三種若菩薩二乘共行此通教也一乾慧二性地三八人四見地五薄地六離欲七已辦八支佛九菩薩十佛地依此十地則是通教中優婆塞也小品經云若菩薩具乾慧地於十地速證菩提云大論七十八云乾慧地二種一聲聞二菩薩聲聞獨為涅槃故勤精進持戒戒或習觀佛三昧不淨觀戒雖有智慧不得禪定水故名乾慧地於菩薩則初發心乃至未得順忍者是性地者聲聞從煖至世

支那
三藏經圖考經略卷一
七九

第一於菩薩得順忍愛着實相不生和見得禪定
水八人地者從善法忍乃至道比忍是十六心於
菩薩則無生法忍入菩薩位見地者初得須陀洹
果於菩薩則是阿毘跋致地薄地者斯陀含人欲
界九種苦分斷故於菩薩則過阿毘跋地乃至未
成佛斷諸煩惱餘習氣亦薄離欲地者離欲界非
貪名阿那含於菩薩離欲因緣得五神通已辨地
者聲聞人得盡無生智無着阿羅漢於菩薩成就
佛地辟支佛地者先世種辟支佛道因今世得小
因緣亦觀深因緣法名支佛也菩薩地者初歡喜

地乃至法雲地皆名菩薩此借別名名通也佛地
者一切種智法諸菩薩於自地中觀具足於化
他地中行具足二事具足故名佛地若別教卽初
地終至法雲獨自脩行不與聲聞辟支佛共準此
則是別教中優婆塞也圓教云云回向五分法身具
足者別接通空以別初地接通教令不滯界內卽
色之空回心向別斷界外無明成就五分法身故
歎回向也言具足者通教偏真五分非是不具足
別圓中道正觀成就五分方稱具足也五分法身
者一戒身二定身三慧身四解脫身五解脫知見

異述

仁王護國經疏卷上

二九

法苑珠林

三三

三三

身問菩薩所作何故回向答回向之利其功最善
故淨名云回向爲善利回向二種一者所作回施
衆生二者所作回向佛果也云云無量功德下四總
結也

第二列清信女

復有十千五戒清信女皆行阿羅漢十地皆成就始
生功德任生功德終生功德三十生功德皆成就
文三一數二名三德今初可解清信女者二標名
也梵云優婆夷此云清信女皆行阿羅漢下三數
德亦通別中優婆夷也文二先總歎十地可解次

始生下別歎十地中功德又二今先正歎一地三
心從第十回向始有初地所得功德是初心停住
不進所得功德是任心滿足功德欲入二地是終
心法華亦云善入出任云云三十生功德下次結
也

第二列居士衆

復有十億七賢居士德行具足二十二品十一切入
八除入八解脫三慧十六諦四諦四三二一品觀得
九十忍一切功德皆成就

文四一數二名三德四結今初可知七賢居士者

一云云上
一切入

二標名也七賢有二一小乘五停心觀是也二大乘一名初發心人二名有相行人三名無相行人四名方便行人五名習種性人六性種性人七道種性人俱在地前調心順道名為七賢居士者外國積財至億名為居士今此富有七淨財故名居士信施戒聞慧慚愧名七淨財也云德行具足下三歎德謂具足諸德之行名德行具足二十二品者此歎道品以在見道前唯有四念處四正勤四如意足五根五力二十二品也十一切入者次歎十遍處入者處也青黃赤白地水火風空處識

寺諸科
具如法
界次寺

處名之為十云云八除入者次歎勝處一內有色相觀外色少二內有色相外觀色多三內無色相外觀色少四內無色相外觀色多五青六黃七赤八白云云八解脫者次歎解脫一內有色相外觀色二內無色相外觀色三觀淨色四空處五識處六無所有處七非有想非無想八滅受想解脫問觀未得聖云何今歎八解脫答八中得七未得滅盡今從多而歎也問解脫以何為義答解脫以棄背為義初二棄背色貪心第三棄背不淨觀心四無色棄背下地心滅盡令棄背一切所有緣心問解脫

毘盧

石三音同

三十一

又文

三三

三十一

勝處遍處何別答有棄背各解脫能降境界名勝處能廣能勝境名遍處云云三慧者次歎慧謂聞思脩初是乾慧地次是四善根苦忍已上名脩慧十六諦者次歎觀門如前說云云四諦者次歎諦門亦如前說云云四三二一品觀者次歎四門卽四觀忍也從下舉之煖第四頂第三忍第二世第一法第一四卽四善根三卽除煖位二除煖頂一除前三也又四卽四果三卽三果二卽二果一卽初果此非歎意今取前釋得九十忍者四結文二先別結次總結今初有人云地前三賢三十心一一中作

下中上或入住出持三品觀合九十忍也有人云四三二一合成十忍約三界九地一一地中各有九品成九十忍又云諦觀二十謂十六諦及四諦品觀有十謂四三二一總成三十各有下中上三品成九十忍也今謂九十忍者是別結經文中德不可眾多作異說也但說具足二十二品下至四三二一數有八十一品從此持法出四禪四空滅定合九十忍經雖無四禪寺文義推可爾云云一切功德皆成就次總結也

第三列天衆 二先列色次列欲今初

復有萬萬億九梵三淨三光三梵五喜樂天天定功德定味常樂神通十八生處功德皆成就

文四一數二處三德四結今初以萬數萬故云萬萬億也九梵下二明處此經三本不同有一本云復有萬萬億十八梵天九梵三淨三光五喜樂天又一本中但云三淨三光五喜樂天又一本除五字初除十八梵天四字後但有三字無梵字蓋譯者出沒耳言九梵者謂第四禪九天一無雲二福生三廣果四無想五無煩六無熱七善現八善見九色究竟也三淨者是第三禪有三天謂少淨無

記云五支即四禪所發支林功德五淨即五那言喜樂者義之陶

量淨遍淨也三光者是第二禪有三天謂少光無量光光音三梵者謂初禪三天梵衆大梵梵輔也五喜樂天者即五支謂覺觀喜樂一心等也是四禪中後五淨者此天義論受喜樂故也云天定功德定味者三歎德天定者謂報生天上得此定功是味着禪定也有人云功德定味爲句非也常樂神通者色界天中皆有脩報二種神通也言常樂簡非報得神通也十八生處下四總結云

二列欲界

復有億億六欲諸大天十善果報神通功德皆成就
文四今初明數六欲諸大天者二明處此六天中
有小五欲從初四天至他化自在爲六也十善等
者三歎德也十善是因生天是果報也功德皆成
者四結也

第四列仁王

復有十六大國王各各有一萬二萬乃至十萬眷屬
五戒十善三歸功德清信行具足

文四一數二衆三德四結今初云十六國王者舉
國數以標人也各各有下第二明衆也五戒下三

信三
信四
及戒

歎德也德有三一戒二善三歸清信行具足者四
結四信成就故云清信也

第二總列

復有五道一切衆生

前別中但明天人今則通明五道脩羅等或鬼或
畜故但云五道也又六道中天人先有三惡之內
或有或無此經無緣故總云五也此土衆竟

第二列他方衆

復有他方不可量衆

他處異見

二六

無述

仁王護國般若經卷上

三四

第三列化衆

復有變十方淨土現百億高座化百億須彌寶華各
各座前華上復有無量化佛無量菩薩比丘八部大
衆各各坐寶蓮華華上皆有無量國土一一國土佛
及大衆如今無異一一國土中一一佛及大衆各各
說般若波羅密

文三今初明不思議力能變淨土淨土者非寂光
之淨且現華臺寶報寺淨相也現百億高座及花
者且明應身大千之化相也各各座前下二明不
思議力能現諸佛菩薩八部者乾闥婆毘舍闍二

衆東方提頭賴吒天王領鳩槃荼薜荔多二衆南
方毘留勒叉天王領龍富單那二衆西方毘留博
叉天王領夜叉羅刹二衆北方毘沙門天王領云云
一一國土中下三明不思議力各說般若若上來
列衆竟

第二總結

他方大衆及化衆此三界中衆十二大衆皆來集會
坐九級蓮花座其會方廣九百五十里大衆僉然而
坐

他方大衆卽結前來第二他方衆及化衆卽結前

疏以級
字釋劫
字而經
文直作
級字或
後人據
疏誤改
云

撰述
石三詩厚冊卷之三
三六
第三化衆三界中衆卽結前此土衆十二大衆皆
來集會卽總結前三衆差別果一聲聞二緣覺三
菩薩四五戒賢者五清信女六七賢居士七色天
八欲天九仁王十五道十一他方十二化衆是也
坐九劫座者結座劫者級也級者層也其會下結
衆廣狹也問諸經列衆或有或無何耶答若說報
生三界由善惡業力見佛不見佛由有緣無緣卽
有生天受樂至不聞經乃至地獄燒然而來聽法
今以大經之義試爲斷之大經云於戒緩者不名
爲緩於乘緩者乃名爲緩總相明之乘卽戒也今

約別說乘戒二殊卽以三皈五戒十善八戒二百
五十五百戒等名之爲戒念誦脩行禪智施進等
名之曰乘然戒與乘各有三品乘有小中大戒有
上中下若乘戒俱急者又有三品如持上品戒急
生無色界天下品乘急以無色天身聞佛說聲聞
法中品乘急聞說因緣上品乘急聞說中道等若
持中品戒急生色界天下乘急聞說四諦中乘急
聞說因緣上乘急聞說六度若持下品戒急生欲
界天下乘急聞小乘中乘急上乘急準上說若戒
乘俱緩者上品戒緩墮地獄中品緩墮畜生下品

緩墮餓鬼以乘緩故永不見佛何況聞法若戒緩乘急者得見佛聞法上品戒緩生地獄中下乘急以地獄身聞說四諦中乘急聞因緣上乘急聞六度云若戒急乘緩者三品戒急得三界身以乘緩故着人天樂不得見佛况得聞法今無無色界天衆者以上品戒急大乘緩故此經無緣故不來也餘經有無例此可解上來証信序竟

第二發起序文五一佛自現瑞二時衆生疑三覺悟如來四佛昇華座五大衆歡喜初中更五一讚佛德二明現瑞時節三正住十地四入寂

定五思緣現瑞今初

爾時十號三明大滅諦金剛智釋迦牟尼佛

爾時者當爾之時也十號者教主之德德凡有四一十號德二三明德三斷德四智德今初言十號者一是如來二應供三正遍知四明行足五善逝六世間解七無上十八調御丈夫九天人師十佛世尊是十號之數也云次歎三明德以明鑒三世也次歎斷德謂大滅諦簡非小滅故言大也金剛智者次歎佛智德釋迦牟尼佛者上明通號及德今明別號也然佛種姓出處不同或姓刹利或婆

羅門今姓釋迦者此云能仁如長阿含說昔梵摩
 毅王四子有過徙向雪山令自存活四子至彼民
 歸如市王歎四子我子能仁能自存活因此姓釋
 佛第四祖已來始姓釋也本姓瞿曇或甘蔗種或
 日種或牛糞種云牟尼者各也此云寂默三業俱
 寂默也

二明現瑞時節

初年月八日

真諦云如來在世四十五年說三法輪謂轉照持
 然此三輪有顯有密密則從得道夜至涅槃夜俱

三轉法輪顯則初成道七年但轉轉法輪七年後
 三十一年中轉照法輪三十八年後七年中轉持
 法輪從轉轉法輪來有三十年前至二十九年已
 說餘般若今至三十年初月八日方說仁王故言
 初年月八日此則佛成道三十七年說此經乃年
 七十二歲也云

三正住十地

方坐十地

方者正也正坐佛之十地非菩薩十地又佛以別
 接通坐別十地欲密顯通教十地正令悟別地故

攝佛八十壽則合云七十二歲成道則合云六十七歲今云七十二者成道之年隨其所見不可以三

云方坐也佛十地者同性經云一甚深難知廣明
 智德地二清淨身不思議地三海藏地四神通智
 德地五明德地六無垢涅槃炎光開相地七廣勝
 法界藏明界地八無碍智慧地九無邊億莊嚴迴
 向能照明地十毘盧遮那智藏地

四入寂定

入大寂室三昧

欲觀察物機授法藥故又令知因定發慧故又作
 說法儀軌故佛具智斷尚自觀機況於凡夫而不
 審諦云大寂室者即大涅槃也大經云涅槃深禪

定窟窟即室義法華大通智勝佛亦入靜室與此
 義同也又大寂者即動是寂室者即寂而照大寂
 是法室是喻如室虛能受萬物般若空理能含多
 義也約觀者室是一法空亦無二明暗自殊室空
 不別明喻智慧暗喻煩惱室喻人身空喻心識日
 出則室空俱明喻智生身心俱淨日入則室空俱
 暗喻智滅則身心俱穢穢淨雖殊而性常清淨故
 淨名云無明性即是明一切衆生即菩提相不復
 更滅此即証也

第五思緣現瑞

據疏云
其華上
至則知
上字前
有比華
二字

思緣放大光明照三界中復於頂上出千寶蓮花上
至非想非非想天光亦復爾乃至他方恒河沙諸佛
國土時無色界雨無量變大香華香如車輪花如須
彌山王如雲而下十八梵天王雨百變異色華六欲
諸天雨無量色華其佛座前自然生九百萬億種華
上至非想非非想天是時世界其地六種震動

思緣放大光明照三界中下有本云照三界衆生
也文五一思緣放光二頂上出花三諸天雨花四
佛自生花五大地振動今初思緣者思於無相緣
於法性自受大樂也光照三界中覺化境也問無

色界無色陰何故照之答雖無麁色而有細色約
二乘凡夫不見言無而實有也復於頂上出千寶
蓮花下二頂上出華文三今初出華其華上至下
二明豎現乃至他方下三明橫現放光令識智慧
之本出花令悟得道之因又光欲化當機衆華令
其見作結緣因前列衆中無無色界天者以其戒
急乘緩無現益緣今令非相見花使作當來種子
也時無色界天下三諸天雨花前教主現相明有
感今諸天雨花明有應此則藥病相稱感應道交
也無量變者心樹花非生死花也文三初無色界

劫字在
經文萬
億二字
下或誤
脫或後
人改作
種子也

次色界後欲界皆可見色天多禪無色天多定能
心樹變花故言變欲天無此但兩實花也其佛座
前下四佛自生花向明頂上出花顯正報瑞今佛
座前生花明依報瑞劫者層也是時世界下五大
地震動放光雨花令其目見動地令其心動心動
則煩惱動故大經云大地動者能令眾生心動也
動踊覺起振吼寺爲六又東涌西沒寺六也地動
八緣如阿含說一大水動時動二尊神試力時三
如來入胎時四出胎時五成道時六轉法輪時七
息教時八涅槃時增一經亦有八緣闡浮提風輪

從上向下有地水火風從下向上次第動二善薩
入胎三出胎四出家學道成道五入涅槃六神通
比丘心得自在七諸天命終還生勝處八眾生福
盡相云云動意者十地論云治三種煩惱一生天衆
生樂着天報振動天宮令生厭捨起求法心二造
惡衆生不識無常縱心蕩意令因地動捨惡從善
三我慢衆生或因咒力能小動地起高慢心使見
大動知其力劣也

第二時衆生疑文三一明衆生疑二申衆疑意
三問衆不決今勸

爾時諸大衆俱共僉然生疑

可解

二申衆疑意

各相謂言四無所畏十八不共法五眼法身大覺世尊前已爲我等大衆二十九年說摩訶般若波羅密金剛般若波羅密天王問般若波羅密光讚般若波羅密今日如來放大光明斯作何事

文三一歎佛德次領前事三騰今事初文二先明成人之德有四一者四無畏德謂一切智無畏漏盡無畏盡苦道無畏說障道無畏云云二十八不共

法自有二小乘中謂十力四無畏大悲三念處是三念處者應貪不貪應嗔不嗔常行捨心也大者謂身口意無失是三四無異相五無不定心大無不知已捨七欲八精進九念十慧十一解脫十二解脫知見等無減十三十四十五三業道隨智慧行十六十七十八智慧知三世無等二乘無分故言不共三五眼謂肉天眼法在佛身上並名佛眼云云四法身法身有三一但空法身三乘皆有如善吉七葉巖中禮佛法身此小乘滅三十二相卽空爲法身也二卽假法身謂滅無常色獲常等我

前釋二
十九年
蓋謂如
來成道
七年後
之二十
九年合
有三十
六年今
直云傳
道後二
十九年
蓋謂前
引真諦
成說此
大師依

互解
文出
及故不
相妨

撰述

仁王菩薩經卷上

四三

樂淨三亦復如是三卽中法身謂如來法身非常
非無常樂我淨等亦復如是云云大覺世尊下二明
德所成人覺中道理名爲大覺天人所重名曰世
尊前已爲我下領前事謂從得道後二十九年說
四般若於靈山說大品次舍衛說金剛及天王問
後還靈山說光讚及道行具出光讚云云今日如來
下第三爲今事謂疑前瑞相等也云云

第三問衆不決

時十六大國王中舍衛國王波斯匿王名曰月光德
行十地六度三十七品四不壞淨行摩訶衍化次第

問居士寶蓋法淨名等八百人復問須菩提舍利弗
等五千人復問彌勒師子吼等十千人無能答者
文有二一問二衆不決初文二先舉處歎德二明
次第舉問初文三一明處依大論憍薩羅國王波
斯匿王今云舍衛或云舍婆提城善見律云舍衛
者是人名徃古有王名爲舍衛見地好立以爲國
因居其地從人得名名舍衛也波斯匿王下二舉
名有云王姓月闍法之後更立光名德行十地下
三歎德十地六度道品多是通教也信三寶及戒
不壞名四不壞淨也行摩訶衍化者以大乘治國

法華

三度國聖經疏卷上

四四

攝述
石言部老僧卷上
四
也次第問居士下二次第舉問先問俗衆寶是寶積蓋是月蓋法法財淨名是維摩詰也次問聲聞後問菩薩云無能答者下二衆所不決云

第三覺悟如來

時波斯匿王卽以神力作八萬種音樂十八梵天六欲諸天亦作八萬種音樂聲動三千乃至十方恒河沙佛土有緣斯現彼他方佛國中南方法財菩薩共五百萬億大衆俱來入此大會東方寶莊菩薩共九百萬億大衆俱來入此大會北方虛空性菩薩共百千萬億大衆俱來入此大會西方善任菩薩共十恒河沙大衆俱來入此大會六方亦復如是作樂亦然亦復共作無量音樂覺寤如來

文三一明此土設樂覺悟如來二他方三共設今

初文二一三顯設樂謂月光梵天欲天二聲動世界先一佛世界次十方世界云云彼他方下二明他

方文二一來集二作樂初中先明四方次列六方

作樂亦然者二明作樂也云云復共作下三共設樂

亦是前佛現瑞明能應今時設樂明有感卽覺悟

如來也云云

第四明佛昇華座

佛卽知時得衆生根卽從定起方坐蓮華師子座上
如金剛山王

師子喻
如來無
畏之力
謂如來
是無畏
力所生
之處也

佛昇華座卽是如來赴感也又佛現瑞卽良醫也
時衆設樂卽病人求救也佛昇華座卽醫人授藥
也云又放光是身業入定是意業卽從座起說空
觀是口業又放光動地神通輸入定得衆生根是
他心輪說空觀品是說法輪師子座者大論云非
是實師子亦非木石師子以如來是師子所生之
處若床若座皆名師子床座也如金剛山王者金
剛喻佛四德法身一切不能沮壞山王卽須彌山

喻佛也不爲八風所動又華座皆是現實報土如
山王是現尊特身亦別接通也云云

第五大衆歡喜

大衆歡喜各各現無量神通地及虛空大衆而住
有通者在空無通者居地上來序分竟

佛說仁王護國般若波羅密經疏卷上

目錄

任正堂藏書

四

太如通勳校對

性激海極督刻

興理錄彙

大



又
廿二